



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

გობისცხვირა

გობისცხვირა (*Prunella*) მცენარეთა გვარი ტუჩოსანთა ოჯახისა. მრავალწლოვანი დაბალი ბალახი საპირისპიროდ განლაგებული მთლიანი ან დაკბილული, ზოგჯერ განკვეთილი ფოთლებით. მათი იისფერი, მწვანე, თეთრი ან მოყვითალო ყვავილები შეკრებილია ჩხროებად, რ-ებიც თავის მხრივ თავმოყრილია თავთავისებრ ყვავილელებში. გ-ს 15-მდე სახეობა უმთავრესად გავრცელებულია ევროპაში.

საქართველოში ამ გვარის 3 სახეობაა. მათგან *P. grandiflora* მხოლოდ ქართლსა და აჭარაში იზრდება, ხოლო *P. vulgaris* და *P. laciniata* - თითქმის მთელ საქართველოში. პირველი გვხვდება ტყეებში და ტყის პირას, ბუჩქნარებში, სუბალპ. მდელოებზე, მდინარეთა ნაპირებზე და გზის პირას, ხოლო როგორც სარეველა - ნათესებში; მეორე - იზრდება მდელოებზე, ტყის პირას. თაფლოვანი და სამკურნ. მცენარეა. იყენებენ ხალხ. მედიცინაში.

მ. გურგენიძე



გობისცხვირა.

დიდყვავილა
გობისცხვირა (Prunella
grandiflora).



გობისცხვირა. გასაწყვირა (Prunella
laciniata).